

«Жасыл даму» АҚ
Басқармасының
2025 жылғы «_____» _____
(№_____ хаттама) шешіміне
№_____ қосымша

«Жасыл даму» АҚ
Басқармасының
2025 жылғы «_____» _____
(№_____ хаттама) шешімімен
БЕКІТІЛГЕН

**Өндірушілердің (импорттаушылардың) кеңейтілген міндеттемелері
қолданылатын өнім (тауарлар) тұтынушылық қасиеттерін
жоғалтқаннан кейін түзілетін қалдықтарды жинау, сұрыптау, өңдеу,
тасымалдау, қайта пайдалануға дайындау, қайта өңдеу,
залалсыздандыру және (немесе) кәдеге жарату (толық цикл) үшін
төлемдер жүргізу туралы үлгілік шарт**

Астана қаласы

«_____» 20__ жыл

Өндірушілердің (импорттаушылардың) кеңейтілген міндеттемелерінің операторы болып табылатын, бұдан әрі «Оператор» деп аталатын, _____ негізінде әрекет ететін _____ тұлғасында бір тараптан, және

Өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинауды, сұрыптауды, өңдеуді, тасымалдауды, қайта пайдалануға дайындауды, қайта өңдеуді, залалсыздандыруды және (немесе) кәдеге жаратуды (толық циклді) жүзеге асыратын жеке және заңды тұлғалар (бұдан әрі – Алушы), екінші тараптан,

бұдан әрі бірлесіп Тараптар, ал жекелей жоғарыда көрсетілгендей немесе Тарап деп аталатындар, Қазақстан Республикасы Азаматтық кодексінің 389-бабын және Қазақстан Республикасы Экологиялық кодексінің (бұдан әрі – Кодекс) 388-бабы 1-тармағының 5) тармақшасын;

Қазақстан Республикасы Үкіметінің 2023 жылғы 29 желтоқсандағы № 1250 қаулысымен бекітілген (бұдан әрі – Қаулы) Өндірушілердің (импорттаушылардың) кеңейтілген міндеттемелері операторының өндірушілер мен импорттаушылардан өзінің банктік шотына түскен ақша есебінен өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинауды, тасымалдауды, қайта пайдалануға дайындауды, сұрыптауды, өңдеуді, қайта өңдеуді, залалсыздандыруды және (немесе) кәдеге жаратуды жүзеге асыратын кәсіпкерлік субъектілеріне беретін

ақшалай төлемдерінің мөлшерлерін басшылыққа ала отырып;

Өндірушілердің (импорттаушылардың) кеңейтілген міндеттемелері операторының өндірушілер мен импорттаушылардан өзінің банктік шотына түскен ақшаны өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинауды, тасымалдауды, қайта пайдалануға дайындауды, сұрыптауды, өңдеуді, қайта өңдеуді, залалсыздандыруды және (немесе) кәдеге жаратуды төлемдер жүргізу арқылы ұйымдастыруға бағыттау қағидаларын (бұдан әрі – Қағидалар);

Қоршаған ортаны қорғау саласындағы уәкілетті орган бекіткен, олар бойынша осындай өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинау, тасымалдау, қайта пайдалануға дайындау, сұрыптау, өңдеу, қайта өңдеу, залалсыздандыру және (немесе) кәдеге жарату қамтамасыз етілетін, Қазақстан Республикасының аумағында өндірілетін және (немесе) Қазақстан Республикасының аумағына жеке және заңды тұлғалар әкелетін өнімнің (тауарлардың) жекелеген түрлерінің тізбесін (бұдан әрі – Тізбе);

Қоршаған ортаны қорғау саласындағы уәкілетті орган бекіткен Кәдеге жарату төлемін есептеу әдістемесін (бұдан әрі – Әдістеме);

Өндірушілердің (импорттаушылардың) кеңейтілген міндеттемелері операторының ақпараттық жүйесінде пайдаланушылардың жұмыс істеуіне арналған түсіндірмелерді (бұдан әрі – Түсіндірмелер) басшылыққа ала отырып,

төмендегілер туралы осы Өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинау, сұрыптау, өңдеу, тасымалдау, қайта пайдалануға дайындау, қайта өңдеу, залалсыздандыру және (немесе) кәдеге жарату (толық цикл) үшін төлемдер жүргізу туралы үлгілік шартты (бұдан әрі – Шарт) жасасты.

1-тарау. Жалпы ережелер

1. Пайдаланылатын терминдер мен ұғымдар:

1) ақпараттық жүйе – істен шыққан көлік құралын және істен шыққан өзі жүретін ауыл шаруашылығы техникасын қоспағанда, өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинауды, тасымалдауды, қайта пайдалануға дайындауды, сұрыптауды, өңдеуді, қайта өңдеуді, залалсыздандыруды және (немесе) кәдеге жаратуды ұйымдастыруға арналған өндірушілердің (импорттаушылардың) кеңейтілген міндеттемелері операторының ақпараттық жүйесі;

2) мониторинг – Қағидаларда және Шартта көзделген тәртіппен және мерзімдерде қалдықтарды жинау және қайта өңдеу үшін пайдаланылатын өндірістік объектілерге барумен, Алушыға бару арқылы Оператордың уәкілетті өкілі жүзеге асыратын және (немесе) бөгде тұлғаларды немесе

ұйымдарды (уәкілетті мемлекеттік органдарды, БАҚ-ты, салалық қауымдастықтарды, тәуелсіз аудиторларды) тарта отырып жүргізілетін іс-шаралар кешені;

3) Есеп – Алушы Қағидаларға 8-қосымшаға сәйкес белгіленген нысан бойынша жасалатын қалдықтарды жинау, сұрыптау, өңдеу және тасымалдау, қайта пайдалануға дайындау, қайта өңдеу, залалсыздандыру және (немесе) кәдеге жарату жөніндегі қызметті жүзеге асыру туралы есеп;

4) паспорт – төлемдерді Алушы Оператордың ақпараттық жүйесінде тіркелу үшін Қағидаларға 2-қосымшаға сәйкес белгіленген нысан бойынша толтыратын нысан;

5) қалдықтарды жинау және қайта өңдеу – өндірушілердің (импорттаушылардың) кеңейтілген міндеттемелері қолданылатын қалдықтарды жинау, сұрыптау, өңдеу, тасымалдау, қайта пайдалануға дайындау, қайта өңдеу, залалсыздандыру және (немесе) кәдеге жарату (толық цикл);

6) өндірістік объектілер – қалдықтарды уақытша жинап қою орындары (алаң, қойма, қоймалау орны, база), қалдықтарды жинау орындары (стационарлық қабылдау пункті, контейнерлер), жабдықтар, техника орналасқан және қалдықтарды қайта өңдеу және (немесе) кәдеге жарату жүзеге асырылатын өндірістік үй-жайлар және (немесе) аумақ;

7) төлемдер мөлшері – Қазақстан Республикасы Үкіметінің қаулысымен бекітілген тиісті төлемдер мөлшері. Басқа терминдер мен ұғымдар Қағидаларда пайдаланылатын мәндерінде қолданылады.

2. Тиісті қаржы жылына арналған төлемдер сомаларының лимиттері Оператордың Инвестициялық саясатында көзделеді және жыл сайын Оператордың ақпараттық жүйесінде орналастырылады.

Оператордың тиісті қаржы жылына арналған төлемдер сомаларының лимиттері таусылған жағдайда, аталған жылда қалдықтарды жинауды және қайта өңдеуді жүзеге асыратын алушыларға төлемдер жүргізілмейді, ал Операторда оларды төлеу бойынша міндеттемелер туындамайды.

2-тарау. Шарттың мәні

3. Қазақстан Республикасының заңнамасында, Қағидаларда және Шартта көзделген шарттарда және тәртіппен Оператор Алушыға тиесілі төлемдерді жүзеге асыруға міндеттенеді, ал Алушы мыналарды:

1) істен шыққан көлік құралдарын және істен шыққан өзі жүретін ауыл шаруашылығы техникасын;

2) Әдістемеде кәдеге жарату төлемін есептеуге арналған коэффициент белгіленбеген немесе «0» (нөлге) тең өнімдердің (тауарлардың) қалдықтарын;

3) өндірушілердің (импорттаушылардың) кеңейтілген міндеттемелерін Кодекстің 386-бабы 2-тармағының 1) тармақшасында көзделген тәсілмен орындайтын өндірушілерді (импорттаушыларды);

4) Кодекстің 367-бабының және «Коммуналдық қалдықтарды басқару

қағидаларын бекіту туралы» Қазақстан Республикасы Экология, геология және табиғи ресурстар министрінің міндетін атқарушының 2021 жылғы 28 желтоқсандағы № 508 бұйрығының (Нормативтік құқықтық актілерді мемлекеттік тіркеу тізілімінде № 26341 болып тіркелген) талаптарына сәйкес қатты тұрмыстық қалдықтарды жинаудың орталықтандырылған жүйесі шеңберінде жиналған және сұрыптауға және (немесе) қатты тұрмыстық қалдықтар полигондарына көмуге берілген қалдықтарды қоспағанда, Тізбеге сәйкес өндірушілердің (импорттаушылардың) кеңейтілген міндеттемелері қолданылатын өнімдердің (тауарлардың) қалдықтарын жинауды және қайта өңдеуді Қазақстан Республикасының аумағында жүзеге асыруға міндеттенеді.

4. Төлемдерді алу мақсаттары үшін қалдықтарды жинауды және қайта өңдеуді ұйымдастыру процесі тек қана Оператордың ақпараттық жүйесі арқылы жүзеге асырылуға тиіс, сондай-ақ Қазақстан Республикасының қолданыстағы заңнамасында, Қағидаларда, Түсіндірмелерде және Шартта белгіленген нормаларға сәйкес келуге тиіс.

5. Өндірушілердің (импорттаушылардың) кеңейтілген міндеттемелері қолданылмайтын өнімдердің (тауарлардың) қалдықтары бойынша Оператор төлемдерді жүргізбейді, ал Алушыда осындай қалдықтарды басқару жөніндегі қызметтің жүзеге асырылуына қарамастан, оларды алуға құқықтар туындамайды.

6. Алушы тексеру мерзімі өткен таразы жабдығында өлшенетін (өлшенген) қалдықтардың массасын Есепке енгізу үшін пайдаланбайды. Алушы Қағидаларда, Түсіндірмелерде және Шартта көзделген қалдықтарды қайта өңдеу жөніндегі нормаларды сақтамаған және (немесе) қалдықтарды қайта өңдеуді аталған нормаларды бұза отырып жүзеге асырған жағдайда, мұндай Есепті Оператор растауға жатпайды.

7. Осы Шарттың қолданылу мерзімі – Шарт жасалған күннен бастап 36 (отыз алты) ай. Егер Тараптардың бірі оны бұзу ниеті туралы мәлімдемесе, бұзуға негіздер болмаған кезде Шарттың мерзімі автоматты түрде ұзартылады.

3-тарау. Тараптардың құқықтары мен міндеттері

8. Оператор құқылы:

1) Алушыдан Қазақстан Республикасы заңнамасының, Қағидалардың, Түсіндірмелердің нормаларын және Шарттың талаптарын тиісінше орындауды талап етуге;

2) тиісті Шарт жасалған күннен бастап төлемдерді алу үшін Алушыдан бухгалтерлік есепті жүргізуді және қаржылық есептілікті Қазақстан Республикасының бухгалтерлік есеп, қаржылық есептілік және салық салу туралы заңнамасының нормаларына сәйкес жасауды талап етуге, сондай-ақ растаушы құжаттарды сұратуға;

3) Алушыдан қалдықтарды қабылдауды, беруді, өлшеуді, тасымалдауды, қайта өңдеуді, кәдеге жаратуды, бұдан былай пайдалануға жарамсыз қалдықтарды жоюды және (немесе) дайын өнімді, пайдалы компоненттерді, шикізатты және (немесе) өнімді, материалдарды немесе заттарды олардың

мақсатына қарамастан бұдан былай өндірісте (дайындауда) пайдалануға жарамды өзге де материалдарды, дайын өнімді өткізуді растайтын құжаттарды Қазақстан Республикасы Қаржы министрінің 2012 жылғы 20 желтоқсандағы № 562 бұйрығымен бекітілген бастапқы есепке алу құжаттарының белгіленген нысандарына, Қазақстан Республикасының қолданыстағы салық заңнамасына және Қағидаларға сәйкес ресімдеуді талап етуге;

4) Алушыға төлемдерді тоқтата тұруға және (немесе) тоқтатуға, Алушыдан бұдан бұрын төленген төлемдер сомаларын Қағидаларда және (немесе) Шартта көзделген негіздер бойынша талап етіп алуға;

5) Шарттың бүкіл қолданылу мерзімі ішінде Алушының кез келген құжаттарын қарау, бару, мониторинг нәтижелері бойынша Оператордың анықтаған негізді ескертулерін жоюды талап етуге;

6) Шарттың бүкіл қолданылу мерзімі ішінде Алушыдан Қағидаларда белгіленген нормаларға сәйкес шынайы, өзекті және нақты мәліметтерді және (немесе) тиісінше ресімделген құжаттарды ұсынуды талап етуге;

7) Алушы Қағидалардың 85-тармағында көзделген нормаларға сәйкес келмеген кезеңде жиналған қалдықтардың массасын толық цикл бойынша қалдықтарды жинау, сұрыптау, өңдеу және тасымалдау, қайта пайдалануға дайындау, қайта өңдеу, залалсыздандыру және (немесе) кәдеге жарату жөніндегі қызметті жүзеге асыру туралы есептен алып тастауға және оны пысықтауға жіберуге;

8) Алушының Оператордың ақпараттық жүйесінде тіркелу кезінде немесе Шарттың қолданылу мерзімі ішінде ұсынған мәліметтеріне және (немесе) құжаттарына өзгерістер енгізу туралы өтінімді қабылдамай тастауға;

9) Алушыға Қағидаларда, Түсіндірмелерде және Шартта көзделген міндеттемелерді орындаумен байланысты, соның ішінде кәдеге жарату төлемі төленгені туралы сертификатты ұсынатын тұлғалардың қалдықтарын жинау және қайта өңдеу бойынша орындалуы міндетті нұсқаулар беруге;

10) мониторинг барысында, сондай-ақ құжаттарды қарау нәтижелері бойынша Операторда туындаған негізді кінәрат-талаптарды қоюға, сондай-ақ Оператор көрсеткен мерзімдерде кемшіліктерді жоюды талап етуге;

11) өндірістік объектілерге кіру мүмкіндігін ала отырып, Қағидаларда және Шартта көзделген тәртіппен және мерзімдерде мониторингті жүзеге асыруға;

12) жазбаша сұрау салулар негізінде Алушыдан Қағидалардың, Түсіндірмелердің және Шарттың орындалуына қатысты жазбаша түсініктемелерді, мәліметтерді талап етуге;

13) Алушыдан Оператордың ақпараттық жүйесін Қағидаларда, Түсіндірмелерде және Шартта белгіленген тәртіппен тиісінше пайдалануды талап етуге;

14) осы Шартты Қазақстан Республикасының заңнамасында, Қағидаларда, Түсіндірмелерде және (немесе) Шартта көзделген талаптармен және тәртіппен бұзуға, кейіннен Алушының Оператордың ақпараттық жүйесіндегі тіркеуін жоюға;

15) қалдықтарды жинау және қайта өңдеу процесін тексеру және

(немесе) оған мониторинг жүргізу үшін бөгде тұлғаларды немесе ұйымдарды тартуға, сондай-ақ Қағидалардың, Түсіндірмелердің және Шарттың нормаларын орындау шеңберінде қалдықтарды жинау мен қайта өңдеуді тікелей және (немесе) жанама түрде растайтын және (немесе) оған қатысы бар құжаттар мен процестерге қатысты олар үшін нормаларды, олардың құқықтары мен міндеттерін айқындауға;

16) Есептің орындалуын бақылау мақсатында толық цикл бойынша төлемдерді алушының өндірістік объектісіне баруды жүзеге асыруға;

17) Қағидаларда және (немесе) Түсіндірмелерде көзделген жағдайларда Есепті растамауға;

18) Шарттың атқарылу барысы туралы ақпарат пен құжаттаманы құқық қорғау органдарына, бақылау және қадағалау органдарына, жалғыз акционерге, сыртқы және ішкі аудиторларға ұсынуға;

19) Алушы Операторға шынайы емес мәліметтерді ұсыну, Алушы тарапынан алаяқтық фактілерін жасау, есептерді асыра көрсету (приписка), алдау, құжаттарды қолдан жасау (фальсификация) және Алушы тарапынан басқа да құқыққа қайшы әрекеттер нәтижесінде алған төлемдер сомасын қайтаруды талап етуге;

20) төлемдерді алу мақсатында Алушы тарапынан алаяқтық, есептерді асыра көрсету (приписка), алдау, құжаттарды қолдан жасау (фальсификация) фактілері анықталған жағдайда, қажетті шаралар қолдану үшін тиісті мәліметтер мен материалдарды құқық қорғау органдарына беруге;

21) Шарттың қолданылу мерзімі ішінде Алушыны және (немесе) оның басшыларын, қатысушыларын, акционерлерін жаппай қырып-жою қаруын таратуды қаржыландырумен байланысты ұйымдар мен тұлғалардың тізбесінде және (немесе) терроризм мен экстремизмді қаржыландырумен байланысты ұйымдар мен тұлғалардың тізбесінде бар-жоғын Қазақстан Республикасының заңнамасында белгіленген тәртіппен тексеруге;

22) Оператордың Инвестициялық саясатында көзделген төлемдерге арналған лимит толық пайдаланылған жағдайда төлемдерді тоқтата тұруға;

23) Шарт бойынша өзінің құқықтары мен міндеттерін Қазақстан Республикасының заңнамасында көзделген тәртіппен беруге (міндеттемедегі тұлғалардың ауысуы);

24) Қазақстан Республикасының заңнамасына, Қағидаларға, Түсіндірмелерге және Шартқа сәйкес басқа да құқықтарды пайдалануға;

25) қалдықтарды жинау және (немесе) тасымалдау және (немесе) қайта өңдеу, сондай-ақ Есепті дайындау тәртібі бөлігінде Қағидалар және (немесе) Түсіндірмелер орындалмаған және тиісінше орындалмаған кезде жиналған, тасымалданған және қайта өңделген қалдықтардың массасын Есепте көрсетілген қалдықтардың жалпы массасынан алып тастауға және оны пысықтауға жіберуге.

9. Оператор міндетті:

1) Шарт бойынша құқықтар мен міндеттерді іске асыру кезінде Алушылар үшін тең жағдайларды қамтамасыз етуге;

2) Оператордың ақпараттық жүйесіне тәулік бойы қол жеткізуді

қамтамасыз етуге, жүргізілетін техникалық жұмыстар туралы алдын ала хабарлауға. Бұл ретте, Оператордың жүйе пайдаланушыларымен өзара іс-қимылы Оператордың жұмыс уақытында жүзеге асырылады;

3) Алушы Оператордың ақпараттық жүйесінде ұсынған өтінімдер мен құжаттарды Қағидаларда, Түсіндірмелерде және Шартта белгіленген тәртіппен және мерзімдерде қарауды жүзеге асыруға;

4) Алушылардың дербес деректерін Қазақстан Республикасының заңнамасында және Оператордың қолданыстағы ішкі актілерінде белгіленген тәртіппен өңдеуге;

5) Қағидаларда, Түсіндірмелерде және Шартта көзделген құжаттардың, келісімдердің тиісті белгіленген нысандарын, сондай-ақ хабарламалар мен хабарландыруларды Оператордың ақпараттық жүйесінде уақтылы орналастыруға;

6) Алушы Қағидаларда, Түсіндірмелерде және Шартта көзделген міндеттемелерді тиісінше орындаған және тиісінше ресімделген Есепті уақтылы ұсынған жағдайда, Алушының Есебін Оператордың ақпараттық жүйесінде Қағидаларда, Түсіндірмелерде және Шартта белгіленген тәртіппен растауға;

7) Оператор Есепті қарап, растағаннан кейін Қағидаларда, Түсіндірмелерде және Шартта белгіленген мерзімдерде және шарттарда Алушыға қалдықтарды жинау және қайта өңдеу үшін төлемдер мөлшерін есептеуге және Қаулымен бекітілген мөлшерде ақшалай төлемдерді жүргізуге;

8) Оператордың ақпараттық жүйесіне рұқсатсыз кіру әрекеттерінің алдын алуға;

9) Қазақстан Республикасының заңнамасына сәйкес басқа да міндеттерді атқаруға.

11. Алушы құқылы:

1) Оператордан Қағидаларда және Шартта көзделген міндеттемелерді тиісінше орындауын талап етуге;

2) Шарт бойынша құқықтар мен міндеттерді іске асыру үшін тең жағдайлармен қамтамасыз етілуін талап етуге;

3) Қазақстан Республикасының заңнамасында белгіленген тәртіппен дербес деректердің тиісінше өңделуін талап етуге;

4) Оператор Есепті растаған жағдайда, Оператордан төлемдердің Оператордың ақпараттық жүйесінде көрсетілген өзінің банктік шотына уақтылы және толық көлемде аударылуын талап етуге;

5) Оператордың ақпараттық жүйесінің тиісінше жұмыс істеуін талап етуге;

6) Оператордан Оператордың ақпараттық жүйесінде ұсынылған құжаттардың Қағидаларда, Түсіндірмелерде және Шартта белгіленген тәртіппен әрі мерзімдерде қаралуын талап етуге;

7) Қазақстан Республикасының заңнамасына, Қағидаларға және осы Шартқа сәйкес басқа да құқықтарға ие болуға құқылы.

12. Алушы міндеттеледі:

1) қалдықтарды жинауды және қайта өңдеуді Қазақстан Республикасы

заңнамасының, Қағидалардың, Түсіндірмелердің нормаларына және Шарттың талаптарына, жүзеге асырылатын қызметті регламенттейтін нормативтік-техникалық құжаттарға сәйкес тиісінше жүзеге асыруға;

2) Оператордың ақпараттық жүйесінде тіркелуге, қажетті шынайы мәліметтерді уақтылы және толық көлемде енгізуге, өтінімдер мен басқа да құжаттардың қаралу және өңделу мәртебесін қадағалап отыруға;

3) Шарттың бүкіл қолданылу мерзімі ішінде Қағидалардың 85-тармағында көзделген нормаларға сәйкес келуге;

4) Шарттың бүкіл қолданылу мерзімі ішінде бухгалтерлік есепті жүргізуді және қаржылық есептілікті Қазақстан Республикасының бухгалтерлік есеп, қаржылық есептілік және салық салу туралы заңнамасының нормаларына сәйкес жасауға, сондай-ақ Оператордың сұрау салуы бойынша растаушы құжаттарды 3 (үш) жұмыс күні ішінде (егер Қағидаларда және (немесе) Түсіндірмелерде өзгеше көзделмесе) ұсынуға;

5) қалдықтарды қабылдауды, беруді, өлшеуді, тасымалдауды, қайта өңдеуді, кәдеге жаратуды, бұдан былай пайдалануға жарамсыз қалдықтарды жоюды және (немесе) дайын өнімді, пайдалы компоненттерді, шикізатты және (немесе) алынған өнімді, материалдарды немесе заттарды олардың мақсатына қарамастан бұдан былай өндірісте (дайындауда) пайдалануға жарамды өзге де материалдарды өткізуді растайтын құжаттарды Бастапқы есепке алу құжаттарының белгіленген нысандарын бекіту туралы бұйрықтың нормаларына, Қазақстан Республикасының қолданыстағы салық заңнамасына және Қағидаларға сәйкес ресімдеуді талап етуге;

6) Оператордың ақпараттық жүйесін және электрондық құжат айналымы жүйесін орнату (тіркеу) және пайдалану бойынша барлық шығыстарды өз бетінше өтей отырып, Оператордың ақпараттық жүйесі және Оператордың электрондық құжат айналымы жүйесіне ұқсас немесе онымен интеграцияланған электрондық құжат айналымы жүйесі арқылы Оператормен алдын ала тіркелуге және өзара іс-қимыл жасауға;

7) сауалнамада және (немесе) паспортта көрсетілген деректер өзгерген жағдайда, өзгерістер туындаған күннен бастап 10 (он) жұмыс күнінен кешіктірмей, Оператордың қарауы үшін Оператордың ақпараттық жүйесінде сауалнамаға және (немесе) паспортқа тиісті өзгерістер енгізу туралы өтінім беруге;

8) өлшеу нәтижелерін Оператордың ақпараттық жүйесінде көрсете отырып, қалдықтардың әрбір партиясын тексерілген таразы жабдығында тиісінше өлшеуді қамтамасыз етуге;

9) Оператордың ақпараттық жүйесін Түсіндірмелерге сәйкес пайдалануға, Оператордың ақпараттық жүйесін пайдалану кезінде бірінші басшының немесе Алушының қаржылық құжаттарға қол қою құқығы бар уәкілетті тұлғасының электрондық цифрлық қолтаңбасын пайдалануға және аталған тұлғалардың өкілеттіктерін растайтын құжаттарды ұсынуға;

10) қалдықтардың әрбір партиясын тасымалдау үшін тек қана Оператордың ақпараттық жүйесінде тіркелген автомобиль көлігін пайдалануға;

11) қалдықтарды тасымалдау кезінде Оператордың ақпараттық жүйесі арқылы Қағидаларда, Түсіндірмелерде және Шартта көзделген нормаларға сәйкес тасымалдаудың жүзеге асырылуын растауды (фототіркеу, интернетке және спутниктік навигация жүйесіне қосылу): тиеу мен түсіруді, өлшеуді, бақылау нүктелерінен өтуді қамтамасыз етуге.

12) Оператордың ақпараттық жүйесінде Есепті Қағидаларда, Түсіндірмелерде және Шартта көзделген тәртіппен рәсімдеуге;

13) Оператордың тапсырмасы бойынша, Оператордан тапсырма алған күннен бастап 15 (он бес) күнтізбелік күн ішінде кәдеге жарату төлемі төленгені туралы сертификатты ұсынатын тұлғаларда түзілетін қалдықтарды жинауды жүзеге асыруға және жиналған әрі қайта өңделген қалдықтардың мұндай массасын Оператордың ақпараттық жүйесіне енгізуге;

14) Оператор көрсеткен мерзімдерде және сұрау салу бойынша Қазақстан Республикасының заңнамасында, Қағидаларда, Түсіндірмелерде және Шартта көзделген өз міндеттемелерінің атқарылу барысы туралы ақпаратты ұсынуға;

15) ұсынылған мәліметтер мен құжаттардың нақтылығы, толықтығы, өзектілігі және шынайылығы үшін Оператор, үшінші тұлғалар және мемлекеттік органдар алдында дербес жауапты болуға;

16) егер шығындар Алушының Қағидаларда және (немесе) Түсіндірмелерде және (немесе) Шартта көзделген міндеттемелерді орындамауына және (немесе) тиісінше орындамауына байланысты туындаса, Операторға келтірілген шығындарды өтеуге;

17) Түзушінің қалдықтары Қағидаларда көзделген нормаларға сәйкес келген жағдайда, Түзушілерден өндірушілердің (импорттаушылардың) кеңейтілген міндеттемелері қолданылатын қалдықтарды қабылдаудан бас тартпауға;

18) Оператордың уәкілетті өкілін мониторинг жүргізу және (немесе) мониторингтің өзге де негіздері бойынша тексеру үшін өзінің жинау және қайта өңдеу жөніндегі өндірістік объектілеріне жіберуге, сондай-ақ сұратылатын барлық құжаттаманы ұсынуға;

19) Оператор Есепті пысықтауға жіберген кезде, оны Оператор алып тастаған қалдықтар массасын ескере отырып және (немесе) Есепті пысықтауға жіберуге себеп болған ескертулерді жоя отырып, Қағидаларда және Түсіндірмелерде көзделген мерзімдерде және жағдайларда қайта қалыптастыруға;

20) ақпараттық жүйеде Түзушілердің өтінімдерін бір ауылдың, кенттің, қаладағы ауданның, қаланың, ауданның әкімшілік шекарасы шегінде, Алушының инфрақұрылым объектісінің қалдықтар орналасқан жерге ең жақын болуы қағидаты бойынша басым тәртіппен (бірақ онымен шектелмей) қадағалап отыруға, Түзуші өтінімді орналастырған күннен бастап 3 (үш) күнтізбелік күннен кешіктірмей оларға жауап беруге және Алушы өтінімге жауап берген күннен бастап 7 (жеті) күнтізбелік күн ішінде қалдықтарды жинауды жүзеге асыруға;

21) Оператордың тапсырмасы бойынша, басым тәртіппен (Түзушінің

өтінімі 3 (үш) күнтізбелік күннен астам уақыт бойы қараусыз тұрған жағдайда) бір ауылдың, кенттің, қаладағы ауданның, қаланың, ауданның әкімшілік шекарасы шегінде, Алушының инфрақұрылым объектісінің қалдықтар орналасқан жерге ең жақын болуы қағидаты бойынша Оператордан тапсырма алған күннен бастап 7 (жеті) күнтізбелік күн ішінде Түзушіден қалдықтарды жинауды жүзеге асыруға;

22) Қағидаларда және (немесе) Түсіндірмелерде және (немесе) Шартта көзделген талаптарды, нормаларды және мерзімдерді бұза отырып жиналған және қайта өңделген қалдықтардың массасы, өткізілген дайын өнім үшін Оператордан төлем жүргізуді талап етпеуге;

23) Шарт бойынша өзінің міндеттемелерін үшінші тұлғаларға бермеуге;

24) Қазақстан Республикасының заңнамасына, Қағидаларға және осы Шартқа сәйкес басқа да міндеттерді атқаруға.

4-тарау. Өзара есеп айырысу (төлем жүргізу) тәртібі

12. Шарт бойынша барлық төлемдерді Оператор тек қана Қазақстан Республикасының ұлттық валютасында жүргізеді.

13. Алушы Оператордан төлемдерді алу үшін есепті тоқсан аяқталғаннан кейін 1 (бір) рет, есепті тоқсаннан кейінгі айдың 20 (жиырмамыншы) күніне дейін Оператордың ақпараттық жүйесінде мыналарды ұсына отырып, Есепті қалыптастырады:

1) мыналарды растайтын электрондық шот-фактураларды:

электрондық және электрлік жабдықтардың барлық түрлерін, шамдарды қоспағанда, қалдықтарды қайта өңдеу нәтижесінде алынған дайын өнімді өткізуді (дайын өнімнің атауы мен массасын көрсете отырып).

Дайын өнім данамен және (немесе) оның массасын анықтауға мүмкіндік бермейтін басқа да өлшем бірліктерімен шығарылған жағдайда, оның массасын анықтауға мүмкіндік беретін есептеуді ұсыну қажет;

электрондық және электрлік жабдықтардың барлық түрлерін, шамдарды қайта өңдеу нәтижесінде алынған, мақсатына қарамастан өнімді, материалдарды немесе заттарды бұдан былай өндірісте (дайындауда) пайдалануға жарамды пайдалы компоненттерді, шикізатты және (немесе) материалдарды, өнімді өткізуді (атауы мен массасын көрсете отырып);

электрондық және электрлік жабдықтардың барлық түрлерін, шамдарды қайта өңдеу нәтижесінде алынған, төлемдерді алушының технологиялық регламентінде бұдан былай қайта пайдалануға дайындау, қайта өңдеу, залалсыздандыру және (немесе) кәдеге жарату көзделмеген, пайдалануға немесе өткізуге жарамсыз қалдықтарды жоюды (қалдықтардың атауы мен массасын көрсете отырып);

2) дайын өнімнің «Стандарттау туралы» Қазақстан Республикасы Заңының талаптарында белгіленген стандарттау жөніндегі құжатқа, Қағидалардың 87-тармағының 8) тармақшасына сәйкес ұсынылған құжатқа сәйкестігін растайтын құжаттарды (сынақ хаттамасы және (немесе) сапа паспорты немесе ұқсас құжат) (бар болса);

3) электрондық және электрлік жабдықтардың барлық түрлерін, шамдарды қайта өңдеу нәтижесінде алынған ілеспе қалдықтарды және (немесе) пайдалы компоненттерді кәдеге жарату туралы актіні (атауы мен массасын көрсете отырып).

Тиісті мамандандырылған ұйымдар тартылған кезде мынадай құжаттар қоса беріледі:

қалдықтарды кәдеге жарату бойынша қызметтер көрсетуге арналған шарт;

қоршаған ортаны қорғау саласындағы жұмыстарды орындауға және қызметтер көрсетуге арналған тиісті қызмет кіші түрі бойынша лицензиялар (атауы мен массасын көрсете отырып);

4) қалдықтардың, соның ішінде ілеспе қалдықтардың, дайын өнім мен пайдалы компоненттердің сканерленген материалдық ведомосы (атауы мен массасын көрсете отырып);

Бұл ретте, егер электрондық шот-фактуралардың саны 100 (жүз) данадан асатын болса, онда 100 (жүз) электрондық шот-фактура және қосымша Түсіндірмелердің 35-тармағының 2) тармақшасында көзделген талаптарға сәйкес бірінші басшы (уәкілетті тұлға) немесе оны алмастыратын тұлға қол қойған, тоннамен, Excel және PDF форматындағы есепті кезең үшін бухгалтерлік есептің электрондық базасынан түсірілген мәліметтер ұсынылады.

14. Оператор Алушы Операторға есепті берген күннен бастап 20 (жиырма) жұмыс күні ішінде қоса берілген құжаттары бар Есепті қарайды.

15. Алушы Есепті Шарттың 13-тармағында көрсетілген мерзім өткеннен кейін қалыптастырған және оған қол қойған жағдайда, есепті кезең үшін Есептерді Оператор қарауға жатпайды.

16. Өткізілген дайын өнімге электрондық шот-фактура Алушының қосылған құн салығын төлеуші ретінде тіркеу есебінде тұруының бар-жоғына қарамастан, Қазақстан Республикасының салық заңнамасында көзделген тәртіппен және талаптармен жазылады.

17. Есепті жасау кезінде Алушыға Қағидаларда және (немесе) Түсіндірмелерде белгіленген нормаларды сақтай отырып, іс жүзінде жиналған және қайта өңделген қалдықтарды шынайы көрсету қажет. Төлемдерді Оператор өзінің Инвестициялық саясатында белгілеген лимиттер сомасы шегінде жүзеге асырады.

18. Оператор Қағидаларға және Шарттың талаптарына сәйкес Алушының банктік шотына төлемдерді толық көлемде аударғаннан кейін есеп айырысу жүргізілді деп есептеледі.

19. Оператор Алушыға Есептің расталмауына, төлемдердің тоқтатыла тұруына, Шарттың бұзылуына байланысты қандай да бір ақшалай қаражатты және Алушы шеккен кез келген шығыстарды өтемейді.

20. Алушы төлемдерді алу үшін банктік шот ретінде үшінші тұлғалардың банктік шоттарын пайдаланбайды.

21. Ақшалай қаражатты аударуға байланысты барлық банктік шығыстарды ақшалай қаражатты жіберуші төлейді.

5-тарау. Тараптардың жауапкершілігі

22. Алушы Операторға және уәкілетті органдарға ұсынылатын мәліметтердің, құжаттардың, есептердің нақтылығы, толықтығы, өзектілігі және шынайылығы үшін жауапты болады.

23. Шарт бойынша Тараптар Шарттан туындайтын міндеттемелерді орындамағаны және (немесе) тиісінше орындамағаны үшін Қазақстан Республикасының қолданыстағы заңнамасына, Қағидаларға, Түсіндірмелерге және Шартқа сәйкес жауапты болады.

6-тарау. Шартты бұзу тәртібі

24. Оператор Шартты бұзу жоспарланып отырған күнге дейін кемінде 10 (он) жұмыс күні бұрын Оператордың ақпараттық жүйесінде Алушыға бұзу негіздерін көрсете отырып хабарлама беру арқылы Шартты біржақты тәртіппен бұзуға құқылы.

25. Оператордың Шартты біржақты тәртіппен бұзуы мынадай жағдайларда жүзеге асырылады:

1) Шарт жасасу кезінде Алушы Операторға Оператордың ақпараттық жүйесінде көрінеу жалған құжаттарды және (немесе) мәліметтерді ұсынғанда, егер түпнұсқа құжаттар немесе мәліметтер Шарт жасасудан және төлемдерді алудан бас тарту үшін негіз болуы мүмкін болған жағдайда;

2) Шарттың бүкіл қолданылу мерзімі ішінде Алушы Операторға қалдықтарды жинау және қайта өңдеу туралы құжаттарды тексеру, мониторинг, бару шеңберінде, уәкілетті мемлекеттік органдардан түскен мәліметтерде анықталған көрінеу шынайы емес мәліметтерді ұсынғанда;

3) Шарттың қолданылу мерзімі ішінде қатты тұрмыстық қалдықтар полигондарынан қалдықтарды жинау және қайта өңдеу фактісі анықталған жағдайда;

4) Шарттың қолданылу мерзімі ішінде Қағидалардың 85-тармағында көзделген нормаларға сәйкес келмеушілік анықталған жағдайда;

5) Алушы Қағидалардың 124-тармағын орындамаған және (немесе) тиісінше орындамаған жағдайда;

6) Қағидалардың 122-тармағында сипатталған жағдай туындаған кезде.

26. Шарт Оператор тарапынан Шарттың 25-тармағында көзделген негіздер бойынша біржақты тәртіппен бұзылған жағдайда, Оператор бұзушылықтар жасалған және (немесе) Қағидалардың және (немесе) Түсіндірмелердің және (немесе) Шарттың нормалары орындалмаған (сақталмаған) есепті кезеңдерде төленген ақшалай қаражатты талап етіп алуға құқылы. Оператор болжамды бұзылу күніне дейін 10 (он) күнтізбелік күн бұрын Оператордың ақпараттық жүйесінде Шартты бұзу және (немесе) ақшалай қаражатты талап етіп алу туралы хабарламаны орналастырады. Сондай-ақ Шартты бұзу және (немесе) ақшалай қаражатты талап етіп алу туралы хабарлама Алушыға Оператордың ақпараттық жүйесінде тіркелу

кезінде көрсетілген электрондық құжат айналымы және (немесе) электрондық пошта және (немесе) мессенджер арқылы қосымша жіберіледі.

Алушы 10 (он) күнтізбелік күнге дейінгі мерзімде Операторға талап етілген соманы төлейді, бұл ретте Оператормен келісім бойынша Алушының берешекті өтеуі хабарлама орналастырылған және (немесе) жіберілген күннен бастап 3 (үш) айдан аспайтын мерзімде Оператор бекіткен графикке сәйкес жүзеге асырылуы мүмкін.

Алушы талап етілген ақшалай қаражатты қайтарудан бас тартқан жағдайда, келіспеушіліктер Қазақстан Республикасының қолданыстағы заңнамасына сәйкес шешіледі.

7-тарау. Даулар мен келіспеушіліктер

27. Тараптар Шарт бойынша немесе оған байланысты өз араларында туындайтын барлық келіспеушіліктерді немесе дауларды тікелей келіссөздер және хат-хабар алмасу процесінде шешу үшін барлық күш-жігерін жұмсауға тиіс.

28. Тараптар келіссөздер және хат-хабар алмасу процесінде шешпеген даулар мен келіспеушіліктер басқа Тарапқа осы ниет туралы кемінде 10 (он) жұмыс күні бұрын тиісінше жазбаша хабарланғаннан кейін, Қазақстан Республикасының қолданыстағы заңнамасына сәйкес Оператор орналасқан жер бойынша соттың қарауына беріледі.

8-тарау. Еңсерілмейтін күш мән-жайлары (форс-мажор)

29. Егер Шарт талаптарының орындалмауы Тараптардың бірінің немесе екеуінің де қызметіне тікелей әсер ететін еңсерілмейтін күш мән-жайларының (форс-мажордың) нәтижесі болса, Тараптар оларды орындамағаны үшін жауапты болмайды.

30. Шарттың мақсаттары үшін «еңсерілмейтін күш мән-жайлары (форс-мажор)» деп туындауы Тараптардың еркіне бағынбайтын, күтпеген сипатқа ие және еңсерілмейтін күштің, яғни осы жағдайлардағы төтенше және болдырмауға келмейтін мән-жайлардың салдары болып табылатын (табиғи апаттар, әскери іс-қимылдар, табиғи және техногендік сипаттағы төтенше жағдайлар), мемлекеттік органдардың немесе лауазымды тұлғалардың құқықтарды шектейтін немесе тыйым салатын актілерін білдіреді және олар Шарт бойынша міндеттемелерді орындау мүмкіндігіне тікелей әсер етті. Нарықта орындау үшін қажетті тауарлардың, жұмыстардың немесе көрсетілетін қызметтердің болмауы мұндай мән-жайларға жатпайды.

31. Еңсерілмейтін күш мән-жайлары туындаған кезде осындай мән-жайлардың әсеріне ұшыраған Тарап 5 (бес) жұмыс күні ішінде басқа Тарапқа мұндай мән-жайлар және олардың себептері туралы жазбаша хабарлама жібереді. Егер басқа Тараптан өзгеше жазбаша нұсқаулар түспесе, Тарап бұл қаншалықты мақсатқа сай болса, Шарт бойынша өз міндеттемелерін

орындауды жалғастырады және Шартты орындаудың еңсерілмейтін күш мән-жайларына тәуелсіз баламалы тәсілдерін іздестіруді жүргізеді. Хабарламамау немесе уақтылы хабарламау мұндай мән-жайлардың әсеріне ұшыраған Тарапты осы Шарт бойынша өз міндеттемелерін орындауды тоқтата тұру мүмкіндігі үшін негіз ретінде кез келген еңсерілмейтін күш мән-жайына сілтеме жасау құқығынан айырады.

32. Еңсерілмейтін күш мән-жайлары (форс-мажор) туындаған жағдайда, Шарт бойынша міндеттемелерді орындау мерзімі мұндай мән-жайлар мен олардың салдары әрекет ететін уақытқа бара-бар шегеріледі.

33. Форс-мажорлық мән-жайдың туындауы Тараптарды мұндай мән-жай туындағанға дейін пайда болған өз міндеттемелерін орындаудан босатпайды. Егер еңсерілмейтін күш мән-жайлары (форс-мажор) 2 (екі) айдан астам уақытқа созылса, Тараптар осы Шартты орындаудың қолайлы баламалы тәсілдерін анықтау үшін қосымша келіссөздер жүргізеді.

9-тарау. Құпиялылық

34. Ақпарат Алушының персоналына құпия түрде және міндеттемелерді орындау үшін қаншалықты қажет болса, сондай көлемде ғана ұсынылуға тиіс.

35. Тараптардың бір-біріне ұсынатын, осы Шартқа байланысты барлық қаржылық, коммерциялық және басқа да ақпарат, құпиялылық белгісінің бар-жоғына қарамастан, құпия деп есептеледі.

36. Тараптар ақпараттың үшінші тұлғаларға жария етілуінің алдын алу үшін барлық қажетті және ақылға қонымды шараларды қолданады. Тараптардың кез келгенінің қалдықтарды жинауды растайтын ақпарат пен құжаттарды Оператор тексеру үшін тартқан ұйымға жария етуі және (немесе) ұсынуы құпиялылықты жария ету болып табылмайды.

37. Тараптардың ешқайсысы басқа Тараптың жазбаша келісімінсіз Шарттың мазмұнына қатысты ақпаратты немесе құпия деп есептелетін және Шарт ережелерін іске асырумен байланысты басқа да ақпаратты ашуға құқылы емес, бұған мынадай жағдайлар қосылмайды:

1) ақпарат сот талқылауы барысында пайдаланылған кезде;

2) мұндай үшінші тұлға осы ақпараттың құпиялылық талаптарын сақтау және оны Тараптар белгілеген мақсаттарда ғана және Тараптар белгілеген мерзімге пайдалану міндеттемесін өзіне алған жағдайда, ақпарат Шарт бойынша Тараптардың біріне қызмет көрсететін үшінші тұлғаларға ұсынылған кезде;

3) мұндай банк немесе қаржы ұйымы осы ақпараттың құпиялылық талаптарын сақтау міндеттемесін өзіне алған жағдайда, ақпарат Тараптардың бірі қаржылық қаражат алатын банкке немесе басқа қаржы ұйымына ұсынылған кезде;

4) ақпарат қоршаған ортаны қорғау саласындағы уәкілетті органға, салық органдарына немесе Алушының кез келген банктік шоттарына, соның ішінде Қазақстан Республикасынан тыс жерлердегі шетелдік банктерде ашылған шоттарына қатысты кез келген ақпаратқа, соның ішінде банктік құпия болып

табылатын ақпаратқа қол жеткізу құқығы бар Қазақстан Республикасының басқа да уәкілетті мемлекеттік органдарына ұсынылған кезде;

5) Қазақстан Республикасының заңнамасында көзделген басқа да жағдайларда, соның ішінде Оператор өз міндеттемелерін орындаған кезде.

38. Ақпаратты жария етуге қатысты шектеулер жалпыға бірдей қолжетімді ақпаратқа немесе кейіннен Тараптардың кінәсінен емес жалпыға бірдей қолжетімді болған ақпаратқа, сондай-ақ басқа Тараптан алынғанға дейін немесе одан кейін басқа дереккөздерден Тарапқа белгілі болған ақпаратқа қолданылмайды.

39. Осы баптың ережелерін бұзушылықтарды дәлелдеу міндеті мұндай бұзушылық туралы мәлімдеген Тарапқа жүктеледі.

10-тарау. Сыбайлас жемқорлыққа қарсы ескертпе

40. Тараптар олардың әрқайсысы парақорлық пен сыбайлас жемқорлыққа мүлдем төзбеушілік саясатын жүргізетінін таниды және растайды, бұл саясат сыбайлас жемқорлық әрекеттеріне және осы Шартты орындауға байланысты рәсімдерді оңайлату, қандай да бір мәселелердің тезірек шешілуін қамтамасыз ету мақсаты болып табылатын жәрдемдесу үшін төлемдер жүргізуге, төлемдер жасауға тыйым салуды көздейді. Тараптар өз қызметінде Қазақстан Республикасының сыбайлас жемқорлыққа қарсы іс-қимыл саласындағы заңнамасын және оның негізінде әзірленген, сыбайлас жемқорлыққа қарсы іс-қимылға бағытталған саясаттар мен рәсімдерді басшылыққа алады.

41. Шарт бойынша өз міндеттемелерін орындау кезінде Тараптар өздеріне байланысты барлық шараларды қолданады, бұл шаралар Тараптардың, олардың қызметкерлерінің немесе өкілдерінің қандай да бір құқыққа қайшы артықшылықтар алу немесе басқа да құқыққа қайшы мақсаттарға қол жеткізу үшін осы тұлғалардың әрекеттеріне немесе шешімдеріне әсер ету мақсатында басқа Тараптың кез келген қызметкерлеріне, лауазымды тұлғаларына тікелей немесе жанама түрде қандай да бір ақшаны немесе басқа да құндылықтарды төлемейтініне, төлеуді ұсынбайтынына және төлеуге рұқсат бермейтініне кепілдік береді.

42. Шарт бойынша өз міндеттемелерін орындау кезінде Тараптар, олардың қызметкерлері немесе өкілдері Қазақстан Республикасының заңнамасында пара беру/алу, коммерциялық параға сатып алу ретінде біліктендірілетін әрекеттерді, сондай-ақ Қазақстан Республикасының сыбайлас жемқорлыққа қарсы іс-қимыл туралы, қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы заңнамасының талаптарын бұзатын әрекеттерді жүзеге асырмайды.

43. Жоғарыда көрсетілген сыбайлас жемқорлық сипатындағы әрекеттер анықталған жағдайда, Тараптар Қазақстан Республикасының заңнамасына сәйкес шаралар қолдануға міндеттенеді.

11-тарау. Қорытынды ережелер

44. Шартқа қосылу туралы өтінішке қол қойып және осы Шартты жасаса отырып, Алушы Қазақстан Республикасының заңнамасына және Оператордың ішкі актілеріне сәйкес Операторға дербес деректерді жинау мен өңдеу құқығын беруге өз келісімін растайды.

45. Шарт Алушы электрондық цифрлық қолтаңба арқылы қосылу туралы өтінішке қол қойған күннен бастап өз күшіне енеді және Шарт талаптарында көзделген жағдайларды қоспағанда, Шарттың 7-тармағында көрсетілген мерзім ішінде, ал өзара есеп айырысу бөлігінде Тараптар өз міндеттемелерін толық орындағанға дейін қолданылады.

46. Даулы жағдайлар туындаған кезде нормалар тұжырымдарының барлық дәлсіздіктері және (немесе) кемшіліктері Шартта көзделгеннен гөрі ақпаратты анағұрлым толық ашу пайдасына қарай бірімәнді түсіндірілуге тиіс.

47. Осы Шартқа өзгерістер мен толықтырулар енгізуге тек қана Тараптардың келісімі бойынша жол беріледі және олар екі Тараптың да уәкілетті өкілдері қол қойған қосымша келісім түрінде жазбаша нысанда рәсімделеді.

48. Шартта көзделмеген барлық мәселелерде Тараптар Қазақстан Республикасының қолданыстағы заңнамасын басшылыққа алады.

49. Шарт талаптары Қазақстан Республикасы заңнамасының нормаларына сәйкес келмеген жағдайда, Тараптар үшін Қазақстан Республикасы заңнамасының нормалары басым деп танылады.

Тараптардың деректемелері

Оператор:

Төлемдерді алушы:

